



Inatsisartunut Ilaasortaq
Anton Frederiksen
Partii Naleraq

Ilulissani Ilinniarnertuunngorniarfissaq Timersornermillu Ilinniarfissaq pillugit § 37 malillugu apeqquteqaammut akissut

04-02-2015
Sulap normua 2015-110676
All. nr. 1848389

Asasara Anton Frederiksen

Postboks 1029
3900 Nuuk

Ilulissani Ilinniarnertuunngorniarfimmik Timersornermillu Ilinniarfimmik kiisalu Nuummi
Ilinniarnertuunngorniarfimmik GUX-Nuuk timersornermik ilinniagassanik
pilersitsisoqarnissaanut periarfissat pillugit apeqquteqaatigisannut qujavunga. Tassunga
imaattumik akissuteqaassaanga:

Oqarasuaat (+299) 34 50 00
Allak.: +299 32 20 73
Email: iiknn@nanoq.gl
www.nanoq.gl

1. *Ilulissani GU-qalernissaanik, timersornermillu Ilinniarfeqalernissaanik pilersitsinissamik sukumiisumik misissuisoqarnissaanik Naalakkersuisut peqquneqarnissaannik 2012-imi inatsisartut aalajangiisimanerat. Sumut killippa?*

Akissut: Inatsisartut 2012-imi ukiakkut ataatsimiinnermi aalajangiinerisa malitsigisaanik suliassamik misissuineq aallartinneqarpoq, kisiannili naammassineqanngitsoorluni, qaammataluit qaangiunneranni qinersisoqarnissaa nalunaarutigineqarmat. Misissueqqissaarneq misissuinerlu ingerlanneqartut pingaarnertut isummersuutit makkunanga pilersitsiviupput:

- a) Nuna tamakkerlugu ilinniarnertuunngorniarfinni inissat pioreersut maannakkut GUX-Aasiaat aamma Campus Kujallip allilernerqarneratigut/allangortiternerisigut massakkut siunissamilu ilinniartitaanikkut pisariaqartitanut inissaqartitsilersussaassapput. Ilinniarnertuunngorniarfiit pioreersut inuusuttunik ukioqatigiiaanik 850-isunit 580-it missaanniittunik ilinniartoqalersinnaassapput. Inuusuttut ukioqatigiiaat ikiliartormata Ilulissani ilinniarnertuunngorniarfilliornikkut ilinniarnertuunngorniarfinni inissanik pioreersunik maangaannartitsinermik tamanna kinguneqartussaassaaq. Aasianni Ilinniarnertuunngorniarfiup allilernerqarnera ilassutitut aningaasaliissuteqarnikkut 2011-imi aallartinneqarpoq, taamaattumillu Inatsisartut aalajangiinerisa nalaani suliaq ingerlalereersimalluni.
- b) Ilinniartitaanerup pitsaassusaa ilinniarfissallu neqeroorutaasartut kiisalu ilinniartitsisussaqaarniarneq qulakkeerumallugit nalilernerqarpoq, Ilulissani Ilinniarnertuunngorniarfissaq minnerpaamik klassinut 4-nut inissaqartitsissasoq.
- c) Massakkut Ilulissani inissat pioreersut eqqarsaatigalugit, taamaalluni minnerpaamik klassinut 12-nut ukioqatigiiaanut pingasunut agguataakkamik ilinniarfiliornissaq pisariaqassaaq, kiisalu allaffissamik- ilinniartitsisullu inissaannik. Sanaartugassaq minnerpaamik kr. 80 millioninik akeqartussatut missingiunneqarpoq.

- d) Missingersorneqarpoq, annerpaamik klassit/ilinniaqatigiit marluk ilinniartunut Ilulissaneersuinnarnut inissaqartitsissasut, taamaalillunilu klassit/ilinniaqatigiit allat marluk ilinniartunut allaneersunut atugassanngorlugit. Inuusuttut ukioqatigiiaat Ilulissaneersut 75-80-it akornanni amerlassuseqartussaassapput, taakkunanngalu klassit marluk 48-nik tamaanngaanniit ilinniartoqassallutik, tamannalu agguaqatigiisillugu nuna tamakkerlugu najukkami ilinniarnertuunngorniartartunit qaffasinneruvoq.
- e) Taamaattumik ilinniartut inaannut inissanut 50-it missaanniittunut ingerlatsinermut aningaasartuuteqarfiusussaassaaq, illuutit pioreersut ilaannik attartornikkut imaluunniit nutaamik sanaartornikkut pissarsiarineqartussanik. Siunissaq eqqarsaatigalugu nutaamik sanaartornermi aningaasartuutaasussanik nalilersuinermi imminut akilersinnaanerusutut naatsorsuunneqartumi, sanaartorneq minnerpaamik kr. 45 millioninik akeqassanganneqarpoq, tamannalu Nuummi, Qaqortumi Aasiannilu immikkoortortani inissat assingusut 50-it naleqqatigaat.
- f) Ataatsimut katillugit pilersitsinermi aningaasartuutaasussat minnerpaamik kr. 125 millionit pallissagaat missingiunneqarpoq, aammalu tamatuma saniatigut ingerlatsinermut ukiumut minnerpaamik kr. 23,3 millionit aningaasartuutigisarnissaat. Maannakkut ilinniarnertuunngorniartuutissut siunissami pisariaqartitanut inissaqartitsinissaat eqqarsaatigalugu, isumaliutigineqarpoq inissanik pioreersunik atuiunnaarluni nutaanik sanaartornissaq imminut akilersinnaassanngitsoq.

2. *Misissuineq qanoq sukumiitigisumik ingerlanneqarsimava?*

Akissut: Misissuineq apeqqut siulleq malillugu peqqissaartumik ingerlanneqarnikuuvoq, aningaasaqarnikkullu pissutsit misissuiffigineqarnikuullutik kiisalu siunissami ilinniarnertuunngorniartuutissut ukioqatigiiaat atualersussat amerlassusissaat ilanngullugit misissoqqissaarneqarlutik.

3. *Misissuineq naammassineqarsimappat, sooq misissuinerup inernerani inatsisartunut saqqummiunneqarsimanngila?*

Akissut: Misissuineq januaarip 31-ani 2013-imi qinersisoqarnissaanik nalunaaruteqartoqarnerani sulii naammassineqarsimanngilaq, taamaalillunilu peqqussutigineqartoq atorunnaarluni.

4. *Nummi timersornermut ilinniarfimmik pilersitsinialernej, apeqquummi uani misissuisimanermit attuumassuteqarpa?*

Akissut: Nummi llinniarnertuunngorniarfimmi timersornermik ilinniarnej GIF-imit aamma Nummi llinniarnertuunngorniarfimmit kissaataasimavoq, tamatuma pilersinneqarnissaanut periarfissamik suleqatigiillutik qinnuiginnittuusunit. Nummi llinniarnertuunngorniarfimmi timersornermik ilinniarnermik pilersitsineq taamaattumik misissuinermit toqqaannartumik attuumassuteqanngilaq.

Inussiarnersumik inuulluaqqusillunga



Nivi Olsen